



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2025-yil 5-fevral

№ 3/1

Toshkent sh.

“Ijro.gov.uz” tizimidagi O‘zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijrosi 2025-yil yanvar oyi yakunlari, fevral oyida bajarilishi lozim bo‘lgan topshiriqlar ijrosini barvaqt bajarish bo‘yicha oldindan zarur chora-tadbirlarni ko‘rish orqali o‘rnatilgan muddatlarda, to‘laqonli va sifatli ta‘minlash bilan bog‘liq chora-tadbirlar to‘g‘risida

Vazirlik hay‘ati qayd etadiki, 2025-yilning yanvar oyi davomida ijro intizomiga qat‘iy rioya etish, “Ijro.gov.uz” tizimidagi Davlat rahbarining topshiriqlari ijrosini o‘rnatilgan muddatlarda bajarish, O‘zbekiston Respublikasi Prezidentining 2021-yil 31-maydagi PQ–5132-sonli qarori asosida tashkil qilingan yagona va uzluksiz **“texnologik zanjir”** tizimini samarali yo‘lga qo‘yish borasidan muayyan ishlar amalga oshirilgan.

2025-yilning yanvar oyida ijrosi ta‘minlanishi lozim bo‘lgan O‘zbekiston Respublikasi Prezidenti topshiriqlarini 20-yanvarga qadar ijrosini ta‘minlashga qaratilgan topshiriqlar ro‘yxati, vazir o‘rinbosarlari kesimidagi *Kalendar reja* hamda *“Yo‘l xarita”lar* ishlab chiqilib, 16-dekabr kuni Vazir Sh.Xamrayev imzosi bilan eslatma va ijro uchun barcha vazir o‘rinbosarlari, Vazirlik markaziy apparatining boshqarma va mustaqil bo‘lim boshliqlari hamda Vazirlik tasarrufidagi respublika va tizim tashkilotlari rahbarlariga yetkazilgan.

Vazirlik markaziy apparatida ijro intizomiga rioya etilishi, O‘zbekiston Respublikasi Prezidenti topshiriqlari ijrosi, vazirlikning buyruqlari, hay‘at, selektor hamda apparat yig‘ilishi qarorlari, shuningdek, vazirlik va idoralardan kelib tushgan xat va hujjatlar ijrosi har haftaning juma kunlari vazirning birinchi o‘rinbosari, har haftaning dushanba kunlari Vazir huzurida tanqidiy ruhda muhokama qilinib, uning ijrosini belgilangan muddatlarda, to‘liq va sifatli qilib ta‘minlash bo‘yicha zarur choralar ko‘rib borilgan.

2025-yilning yanvar oyi davomida “Ijro.gov.uz” ijro intizomi idoralararo yagona elektron tizimidagi nazoratda bo‘lgan jami 168 ta, shundan Vazirlik asosiy ijrochi bo‘lgan 124 ta O‘zbekiston Respublikasi Prezidentining topshiriqlaridan 119 tasi (96,0 foizi) to‘liq bajarilgan va nazoratdan chiqarilgan, **5 ta (4,0 foiz) topshiriqning ijro muddatini uzaytirish bo‘yicha takliflar kiritilgan** bo‘lib, Vazirlar Mahkamasining 2025-yil 24-yanvardagi 13-sonli Rayosat yig‘ilishi bayoni bilan uzaytirish ma‘qullangan bo‘lib, ko‘rib chiqish uchun O‘zbekiston Respublikasi Prezidenti Administratsiyasiga taqdim qilingan.

Hisobot davrida (2025-yilning yanvar oyi davomida) vazirlikning 4 ta buyrug‘i bilan jami 13 ta, shu jumladan, 3 ta vazirlik markaziy apparatining boshqarma va mustaqil bo‘lim boshliqlari, 3 ta respublika tashkilotlari hamda 7 ta Qoraqalpog‘iston Respublikasi Suv xo‘jaligi vazirligi va irrigatsiya tizimlari havza boshqarmalari, vazirlik tasarrufidagi tizim tashkilotlari rahbar-xodimlariga nisbatan O‘zbekiston Respublikasi Mehnat kodeksining 312-moddasiga muvofiq **hayfsan** e‘lon qilingan.

Yuqoridagilardan kelib chiqib, taqdim etilgan hisobot va axborotlarni tinglab hamda muhokama qilib ijro intizomiga rioya qilish borasida yo‘l qo‘yilgan xato va kamchiliklarni bartaraf etish, “Ijro.gov.uz” tizimida nazoratda turgan 2025-yil fevral oyida bajarilishi lozim

bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish orqali belgilangan muddatlarda, to'laqonli va sifatli ta'minlash bo'yicha boshqaruvning barcha darajadagi rahbar va mutaxassislarning shaxsiy mas'uliyati va javobgarligini kuchaytirish maqsadida hay'at yig'ilishi

Qaror qiladi:

1. *"Ijro.gov.uz" tizimidagi O'zbekiston Respublikasi Prezidenti va Hukumatining hujjatlari bilan vazirlikka yuklatilgan topshiriqlar ijrosi 2025-yil yanvar oyi yakunlari, fevral oyida bajarilishi lozim bo'lgan topshiriqlar ijrosini barvaqt bajarish bo'yicha oldindan zarur chora-tadbirlarni ko'rish orqali o'rnatilgan muddatlarda, to'laqonli va sifatli ta'minlash bilan bog'liq chora-tadbirlar haqida*"gi axborot **rahbarlik va ijro uchun qabul qilinsin.**

2. Vazir o'rinbosarlari, vazirlik markaziy apparatining boshqarma va mustaqil bo'lim boshliqlari, Qoraqalpog'iston Respublikasi Suv xo'jaligi vazirligi, viloyatlar irrigatsiya tizimlari havza boshqarmalari, vazirlik tasarrufidagi respublika va tizim tashkilotlari rahbarlari tomonidan 2025-yil yanvar oyi davomida O'zbekiston Respublikasi Prezidentining Farmon, qaror, farmoyish va yig'ilish bayonlarida vazirlikka yuklatilgan topshiriqlarning ijrosini ta'minlash borasida amalga oshirilgan ishlar **talab darajasida emas deb topilsin.**

Belgilab qo'yilsinki, "Ijro.gov.uz" tizimidagi O'zbekiston Respublikasi Prezidenti va Hukumatining topshiriqlarining ijrosini belgilangan muddatlarda to'liq va sifatli bajarilishi, shuningdek, ularning ijro holati to'g'risidagi ma'lumotlarning to'g'riligi va ishonchligiga hamda "Ijro.gov.uz" tizimiga o'z vaqtida kiritilishiga Vazirning barcha o'rinbosarlari shaxsan mas'ul hisoblanadilar.

3. Vazirlikning 2025-yil 30-yanvardagi *"Intizomiy jazo chorasi qo'llash to'g'risida"*gi 23-sonli buyrug'i **rahbarlik va ijro uchun qabul qilinsin.**

4. Vazirning birinchi o'rinbosari T.Butunbayev, Vazir o'rinbosarlari R.Qarshiyev, X.Quvondiqov, Z.Ishpulatov, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga:

bir kun muddat ichida Vazirlikning 2025-yil 30-yanvardagi *"Intizomiy jazo chorasi qo'llash to'g'risida"*gi 23-sonli buyrug'ini har bir xodimga o'qib eshittirish, uning mazmun-mohiyatini yetkazish, ijro intizomiga rioya qilinmaganda, shuningdek, O'zbekiston Respublikasi Prezidentining topshiriqlari ijrosini ta'minlashga mas'uliyatsizlik bilan yondashilganda, Davlat rahbarining topshiriqlari ijrosini belgilangan muddatlarda ta'minlamasdan ijro muddatini uzaytirishga taklif kiritgan taqdirda intizomiy jazo chorasi muqarrarlari haqida rasman ogohlantirish orqali barcha darajadagi rahbar va xodimlarning shaxsiy mas'uliyati va javobgarligini kuchaytirish;

"Ijro.gov.uz" tizimida 2025-yil fevral oyida nazoratda bo'lgan topshiriqlar ijrosini ta'minlash bo'yicha vazir o'rinbosarlari kesimida ishlab chiqilgan hamda joriy yil 8-yanvar kuni suv xo'jaligi vaziri tomonidan tasdiqlangan Kalendar reja, "Yo'l xaritasi", shuningdek, I-va II-kartotekaga kiritilgan fevral oyida ijrosi ta'minlanishi lozim bo'lgan O'zbekiston Respublikasi Prezidenti va Hukumati hujjatlari bo'yicha topshiriqlar ro'yxatini ijro uchun qabul qilish;

joriy yilning I-yarim yilligida vazirlik tomonidan ishlab chiqilishi lozim bo'lgan normativ-huquqiy hujjatlarga, dasturlar, takliflar va chora-tadbirlarga aniqlik kiritib ularning ro'yxatini shakllantirish, normativ-huquqiy hujjatlarni ishlab chiqishni kamida **45 kun oldin** boshlab, tegishli vazirlik va idoralar hamda vakolatli organlar bilan kelishilgan hamda Adliya vazirligining xulosasini olgan holda Vazirlar Mahkamasiga kiritilishini tashkil etish bilan bog'liq chora-tadbirlarni amalga oshirish;

"Ijro.gov.uz" tizimidagi O'zbekiston Respublikasi Prezidenti va Hukumatining topshiriqlarini tahlil qilib, ushbu topshiriqlar ichidan mablag' talab qilinadigan va xorijiy mamlakatlar, shu jumladan, Xalqaro moliya institutlari va chet el investitsiyalari bilan bog'liq

masalalar bo'yicha birinchi navbatda shug'ullanib, ularni to'laqonli va sifatli ta'minlash bilan bog'liq chora-tadbirlarni belgilash va amalga oshirish;

Tashkiliy-nazorat va tahlil bo'limi tomonidan har kuni "Ijro.gov.uz" tizimi negizida yaratilgan va ushbu tizimga integratsiya qilingan "Ijro.uz" **elektron hujjat tizimi** hamda **minwater.uz** korporativ pochta orqali jo'natilayotgan xat va hujjatlarda ko'rsatib qo'yilgan topshiriqlarni ijrosini belgilangan muddatlardan barvaqt bajarish;

O'zbekiston Respublikasi Prezidentining 2021-yil 31-maydagi PQ-5132-sonli qarorining ijrosini tizimli ravishda tashkil etish, **joriy yilning fevral oyi yakuniga qadar** nazoratdan chiqarilishi lozim bo'lgan:

1-kartotekaga qarashli (O'zbekiston Respublikasi Prezidenti hujjatlari va topshiriqlari bajarilishining nazoratini yurituvchi "Ijro.gov.uz" ijro intizomi idoralararo yagona elektron tizimida nazoratda bo'lgan) **78 ta hujjat**;

2-kartotekaga qarashli (Vazirlar Mahkamasining nazoratida bo'lgan Hukumat qarorlari, farmoyishlari, bayonlari va topshiriqlari) **24 ta hujjat** ijrosi yuzasidan kunlik monitoring o'rnatish hamda topshiriqlarni belgilangan muddatda, to'laqonli va sifatli qilib bajarish;

har bir berilgan ko'rsatma va topshiriqlarga asosan, ijro intizomi masalasiga yuqori mas'uliyat bilan yondashgan holda belgilangan topshiriqlar ijrosini o'z vaqtida, to'liq va sifatli ta'minlash bo'yicha ishlarni to'g'ri rejalashtirish, topshiriq ijrosini amalga oshirish uchun eng kam mablag', resurs va energiya sarflanishi zarurligini inobatga olish;

topshiriqlarni ijro muddatidan barvaqt bajarish bo'yicha oldindan zarur chora-tadbirlarni belgilash va amalga oshirish, yuzaga kelayotgan har bir muammoli masalani vazir o'rinbosarlari, lozim bo'lsa Vazir huzurida muhokama qilib, hamkorlik va muloqot asosida hal etish;

O'zbekiston Respublikasi Prezidentining Farmon, qaror, farmoyish va topshiriqlari, Vazirlar Mahkamasining qarorlari, farmoyishlari va (yig'ilish bayonlari) topshiriqlari ijrosini ta'minlash bo'yicha olib borilayotgan ishlarni **vazirning birinchi o'rinbosari huzurida har hafta juma kuni va vazir huzurida har haftaning dushanba kunlari** muhokama qilib, bayon bilan rasmiylashtirib borilishini tashkil etish vazifalari yuklatilsin.

5. Vazir Kotibiyati mudiri A.Mangliyev hamda Tashkiliy-nazorat va tahlil bo'limi boshlig'i M.Ibragimovlarga:

joriy yilning 8-fevral kuni o'tkazilishi rejalashtirilayotgan ijro intizomi masalalariga bag'ishlangan o'quv-seminarga puxta tayyorgarlik ko'rish, o'quv-seminarga O'zbekiston Respublikasi Vazirlar Mahkamasi, Hisob palatasi va Adliya vazirligining tegishli xodimlarini taklif qilgan holda yuqori saviyada o'tkazish bilan bog'liq chora-tadbirlarni belgilash va amalga oshirish;

5-fevralga qadar 2025-yilning **mart oyi davomida** ijrosi ta'minlanishi hamda "Ijro.gov.uz" ijro intizomi idoralararo yagona elektron tizimidan nazoratdan chiqarilishi lozim bo'lgan topshiriqlar bo'yicha **Kalendar reja** tayyorlab eslatma va ijro uchun vazir o'rinbosarlari, vazirlik markaziy apparatining boshqarma va mustaqil bo'lim boshliqlari hamda vazirlik tasarrufidagi respublika va tizim tashkilotlari rahbarlariga yetkazish;

Suv xo'jaligi vaziri Sh.Xamrayev tomonidan tasdiqlangan I-va II-kartotekaga kiritilgan O'zbekiston Respublikasi Prezidenti va Hukumatining topshiriqlari ro'yxati, Kalendar reja hamda vazir o'rinbosarlari kesimidagi "Yo'l xarita"lar ijrosi yuzasidan **kunbay tizimida** tizimli va qat'iy monitoring yuritish;

qonunchilik hujjatlari va topshiriqlar ijrosi bo'yicha "Ijro.gov.uz" tizimiga kiritilgan ma'lumotlar va tasdiqlovchi hujjatlarga asosan topshiriqlarni nazoratdan yechish yuzasidan O'zbekiston Respublikasi Adliya vazirligi va Hisob palatasi bilan muntazam ravishda hamkorlikda ish olib borish;

O'zbekiston Respublikasi Prezidenti va Hukumati hujjatlarida belgilangan topshiriqlar ijrosini ta'minlash bo'yicha olib borilayotgan ishlarni muntazam ravishda (**har oy yakuni bilan**) tahlil qilib borish, ushbu hujjatlarning ijrosini ta'minlashga e'tiborsizlik va mas'uliyatsizlik bilan yondashayotgan rahbar-xodimlarga nisbatan tegishli intizomiy jazo choralari qo'llash yuzasidan Vazirlik rahbariyatiga asoslangan xulosa va takliflar (*intizomiy jazo chorasi qo'llash yuzasidan buyruq loyihasi*) taqdim etish vazifalari topshirilsin.

6. Ushbu qaror topshiriqlarining ijrosini nazorat qilish vazirning birinchi o'rinbosari (*ijro intizomi uchun mas'ul*) T.Butunbayev zimmasiga yuklatilsin.

Hay'at raisi



Sh. Xamrayev